

II. IBITEKEREZO BY'ABANYESHURI KW'ISHYIRWAHO RY'ISHYIRAHAMWE RIBAHUZA

A) INTEGO N'IMIGAMBI

1. Gushyiraho ihuriro ry'abanyeshuri bo mu Rwanda, bakaritangiramo ibitekerezo byabo bityo bakagira uruhare mu kwikemurira ibibazo.
2. Guhamagarira abanyeshuri gukora imirimo igamiye guteza imbere imibereho myiza yabo n'amajyambere y'igihugu.
3. Kuyobora no gufasha abanyamuryango mubyo gukomeza amasomo yabo no guteza imbere uburezi mu Rwanda.
4. Guharanira ubumwe mu banyeshuri, kuba mw'ituze no mu busabane bakaba urugero rw'Abanyarwanda.
5. Gukangurira abanyeshuri kwirinda ibikorwa bibi nk'ubusinzi, gukoresha ibiyobyabwenge, ubusambanyi n'ibindi bityo bagaterwa ishema n'umurage w'umuco w'abasogokuruza bagaharanira kuwuteza imbere.
6. Guharanira icyarengera uburenganzira bw'ikiremwa muntu nkuko biteganywa mw'itegeko nshinga rya Repubulika y'u Rwanda, amasezerano mpuzamahanga yo kurengera ikiremwa muntu kimwe n'amahame y'umuryango w'ubumwe bw'Afrika (O.U.A).
7. Guhagararira abanyeshuri b'u Rwanda mu mahuriro y'igihugu cyangwa mpuzamahanga.
8. Kurwanya amatwara n'ibikorwa bidindiza iterambere ry'abatuye isi nAbanyarwanda by'umwihariko nko kurenganya, kwironda, guhohotera no kwangiza ibidukikije.
9. Gukurikiza intego n'imigambi byavuzwe haruguru nta gushingira kuri politiki iyi n'iyi, ku idini, ku bwoko, ku karere cyangwa kurindi vangura.

B) ABANYAMURYANGO

Buri munyamuryango wiga mu Rwanda n'uwiga hanze ari umunyarwanda, ahamagariwe kuba umunyamuryango.

C) INZEGO Z'UMURYANGO

Inzego z'umuryango zigizwe n'Inteko Rusange, komite Nyobozi, Abagenzuzi n'Abajyanama.

IHURIRO RUSANGE RY'ABAHAGARARIYE ABANYESHURI
(DELEGATES CONFERENCE/CONFERENCE DES DELEGUES)

A. INTEGO

- Kwemeza amategeko na gahunda bizagenga ihuriro ry'abanyeshuri
- Gushyiraho Komite y'ihuriro
- Gushyiraho ingamba z'imikoranire n'izindi nzego zita ku banyeshuri
- Kwiga ku ngamba zo kubona ibikoresho.

B. ABANTU/IGIHE

Inama izabera i Kigali, nyuma y'ishingwa ry'inzego ku rwego rwa Perefegitura, inama izamara iminsi ine (4).

C. ABAZATUMIRWA

- Komite za Perefegitura mu mashuri yisumbuye
- Intumwa (Délégués) z'amashuri makuru na Kaminuza
- Ubuyobozi bw'Inama Nkuru y'Urubyiruko
- Abahagarariye MINEDUC, MIJESCAFOP, MININTER, MIGEFASO, MINIJUST, MINISANTE, PRESIDENCE, PRIMATURE, INTEKO ISHINGA AMATEGEKO.

D. IMYITEGURO

Kugirango Inama izagende neza, hari ibigomba kuboneka. Ibitekerezo by'abanyeshuri ku ihuriro kugira ibitekerezo ku izina n'ibindi bintu byariranga nk'ibendera, ikirangantego, umusanzu w'abanyeshuri, gahunda z'ibyakorwa, imikoranire n'ubuyobozi bw'ikigo n'ibindi. Gutora inzego z'ibanze, kugera kuri perefegitura ; Buri kigo kigomba kubitunganya kugirango inama izajyemo ibitekerezo bya bose.



1. INTEKO RUSANGE

- * Ku rwego rw'ikigo, Inteko Rusange igizwe n'abahagarariye buri shuri riri mu kigo muburyo bukurikira :
 - a. Ikigo kigizwe n'ishuri rimwe kugeza kuri abiri : Inteko rusange igizwe n'abanyeshuri bese bagize icyo kigo.
 - b. Ibigo bifite amashuri kuva kuri atatu kugeza kuri atandatu : Inteko rusange igizwe n'abanyeshuri batandatu bahagarariye buri shuri.
 - c. Ibigo bifite amashuri arindwi kuzamura : Inteko Rusange igizwe n'abanyeshuri batatu bahagarariye buri shuri.
- * Ku rwego rwa Komini, Inteko Rusange igizwe na za Komite Nyobozi z'ibigo byo muri Komini
- * Ku rwego rwa perefegitura, Inteko Rusange igizwe na za komite Nyobozi z'amakomini yo muri Perefegitura.
- * Ku rwego rw'igihugu, Inteko Rusange igizwe na :
 - Abantu batandatu boherejwe na buri Nteko Rusange ya Perefegitura
 - Abantu batanu bahagarariye buri kigo cya Kaminuza n'ibigo by'amashuri makuru.

Mu rwego rw'ubutwererane n'abanyeshuri bo mu mahanga, Inteko Rusange ishobora gutumirwamo intumwa z'abanyeshuri b'abanyarwanda cyangwa bo mu bindi bihugu baza nk'indorerenzi.

2. KOMITE NYOBOZI

Komite Nyobozi itorwa n'inteko Rusange. Igizwe kugeza ku rwego rwa Perefegitura n'aba bakurikira :

1. Perezida
2. Vice-Perezida, ureba n'ibijyanye n'umutungo
3. Umunyamabanga Mukuru, ureba b'ibijyanye n'amakuru
4. Ushinzwe uburezi, umuco na discipline
5. Ushinzwe imibereho myiza n'imibanire
6. Ushinzwe imikino n'imyidagaduro.

Urwego rw'Igihugu hari :

- Ushinzwe ububanyi n'amahanga
- Umuyobozi wihariye ushinzwe discipline.

III. ABAGENZUZI

Kuri buri rwego hatorwa abagenzuzi batatu, bashinzwe kugenzura iyubahirizwa rya gahunda n'amategeko n'ikoreshwa ry'umutungo. Abagenzuzi baguma ku rwego batoreweho.

IV. ABAJYANAMA

- Ku rwego rw'ikigo hatorwa abajyanama batatu mu barimu n'abayobozi b'ibigo.
- Ku rwego rwa Komine na Perefegitura hatorwa abanyeshuri batatu.

Kuri Kaminuza no mu mashuri makuru, ahenshi ubuyobozi bw'abanyeshuri buba bujya gusa n'ubw'inzeho zigiye kujyaho. Aho bizaba bimeze bityo, hazashakwa uburyo ihuriro ry'abanyeshuri rihagararirwa n'intumwa (Delegates/Délégués) zifite inshingano zitagongana n'ubuyobozi busanzwe.

ICYITONDERWA :

1. Muri za Komine zifite ikigo kimwe, Komite nyobozi y'ikigo na none iba Komite Nyobozi ya komine.
2. Ku rwego rwa Komine, Perefegitura no ku rwego rw'Igihugu, Inteko Rusange y'abanyeshuri yitoramo abandi 15 babahagarariye mu nteko rusange y'urubyiruko rusange. Iyo batabonetse bahagararirwa n'umubare ubonetse.
3. Imikorere y'Inzego isobanurwa mu nyandiko yihariye igenga imikorere mu muryango (Internal regulations/Règlements d'ordre intérieur) n'itegeko Shingiro (Constitution/Statuts) ry'umuryango.
4. Izo nyandiko zombizizemezwa mw'ihuriro Rusange ry'Abahagarariye Abanyeshuri (Student's delegates conference/Conférence des Délégués) cyo kimwe na gahunda y'ibikorwa.
5. Iryo huriro rizaba inzego zimaze gukorwa kugera kuri Perefegitura.